

BOSNA I HERCEGOVINA
FEDERACIJA BIH
ZENIČKO-DOBOJSKI KANTON
SKUPŠTINA
Stručna služba

Zenica, dana 27.09.2016.godine

OBAVIJEST SA 18. SJEDNICE KOMISIJE ZA NADZOR RADA POLICIJE

Komisija za nadzor rada policije, kao stalno radno tijelo 7. saziva Skupštine Zeničko-dobojskog kantona, dana **26.09.2016. godine** održala je svoju **18. sjednicu** na kojoj je razmatrala slijedeći:

DNEVNI RED

- 1. Izvještaj o radu Ureda za pritužbe javnosti od 01.01. do 30.06.2016. godine,**
- 2. Razno.**

Komisija nije razmatrala Izvještaj o radu Ureda za pritužbe javnosti od 01.01. do 30.06.2016. godine, zbog neprisustva sjednici izvjestioca po Izvještaju, iako je Stručna služba Skupštine blagovremeno pismeno obavijestila o održavanju sjednice Komisije predlagača i zatražila obavijest o prisustvu predstavnika predlagača-izvjestioca sjednici Komisije). Komisija za nadzor rada policije je tada ocijenila da je prisustvo predlagača, odnost izvjestioca neophodno, zbog čega je shodno članu 25. stav 4. Poslovnika Skupštine Zeničko-dobojskog kantona-Novih Prečišćeni tekst («Službene novine Zeničko-dobojskog kantona», broj: 7/12 i 12/13), koji glasi:

“Ako predlagač ne uputi svog predstavnika na sjednicu radnog tijela, a radno tijelo ocijeni da je prisustvo predlagača neophodno, može odložiti razmatranje tog pitanja i o tome obavijestiti predlagača, koji je dužan osigurati da njegov predstavnik prisustvuje sjednici radnog tijela”,

odložila razmatranje navedenog Izvještaja za narednu sjednicu Komisije, koju je odmah zakazala za **28. (srijeda) 09.2016. godine u 09,30 sati**, neposredno prije početka 32. sjednice Skupštine zakazane za isti dan u 10,00 sati.

Zbog učestalih saobraćajnih nesreća sa smrtnim posljedicama na području Zeničko-dobojskog kantona, Komisija za nadzor rada policije je zauzela stav da će na jednoj od narednih sjednica Komisije, u što skorije vrijeme, razmatrati **Analizu i plan mjera i radnji na poboljšanju bezbjednosti saobraćaja na području Zeničko-dobojskog kantona**, koju je Ministarstvo unutrašnjih poslova Zeničko-dobojskog kantona, pripremilo i usvojilo, te dostavilo Skupštini Kantona 28.07.2016. godine, a postupajući po Zaključku Skupštine Zeničko-dobojskog kantona, broj: 01-27-9187/16 od 28.04.2016. godine, koji je donesen na 27. sjednici Skupštine održanoj 28.04.2016. godine, nakon donošenja Zaključka o prihvatanju Informacije o stanju bezbjednosti na području Kantona za 2015. godinu. Tom prilikom Komisija je također zauzela stav da se na sjednicu Komisije na kojoj će biti razmatrana navedena Analiza, obavezno obezbijedi prisustvo predstavnika MUP-a i Ureda policijskog komesara u svojstvu izvjestilaca.

STRUČNA SLUŽBA SKUPŠTINE ZDK